

## 1. UVOD

U Uvodu ovog diplomskog rada pod nazivom „**Principi poslovanja savremeno organizovane banke u odnosu na tradicionalnu**” posebna pažnja posvećena je sljedećim tematskim jedinicama: problem, predmet i objekt istraživanja, radna hipoteza, svrha i ciljevi istraživanja, znanstvene metode i struktura rada te rezultati dosadašnjih istraživanja.

### 1.1 Problem, predmet i objekt istraživanja

Obzirom da smo svjesni činjenice da je finansijski sistem bio izložen značajnim promjenama u domenu strukture, brz razvoj finansijskog tržišta zahtjeva je razvoj savremenog finansijskog sistema kao i značajan razvoj institucija tog sistema koje su mogle da odgovore zahtjevima investitora, te korisnike kapitala. U samom radu kao predmet i objekt istraživanja u obzir je uzeta komparacija poslovanja tradicionalnih u odnosu na savremene banke te njihov uticaj na cjelokupno bankarsko poslovanje.

### 1.2. Radna hipoteza

U skladu sa problemom istraživanja, predmetom i objektom istraživanja postavljena je radna hipoteza koja glasi: "Savremeni bankarski poslovi su poslovi koji donose značajne promjene za principe tradicionalnog bankarskog poslovanja, a sve su cilju shvatanja i zadovoljavanja sve većih zahtjeva klijenata".

### 1.3. Svrha i ciljevi istraživanja

Diplomski rad se zasniva na istraživanju principa na kojima se zasniva bankarsko poslovanje, tačnije komparaciji tradicionalnog u odnosu na savremeno bankarsko poslovanje. Cilj istraživanja jeste da se predstavi razlika između tradicionalnog i savremenog bankarstva, tj. promjene koje su vezane za bankarsko poslovanje, u cilju širenja finansijskih instrumenata a sve u svrhu zadovoljenja sve većih potreba klijenata.

#### 1.4. Znanstvene metode

U dokazivanju postavljene hipoteza ovog rada, korištene su različite metode kako bi bili ispunjeni primarni metodološki zahtjevi tj. Objektivnost i pouzdanost rada, te opštost i sistematičnost. Istraživana su naučno-teorijska saznanja, relevantna literatura i savremena poslovna praksa korištenjem osnovnih analitičkih i sintetičkih metoda, a prije svega analize, sinteze, indukcije i dedukcije.

#### 1.5. Struktura rada

Diplomski rad pod nazivom „Principi poslovanja savremeno organizovanih banaka u odnosu na tradicionalne” podijeljen je u šest funkcionalnih cjelina koje su međusobno povezane.

U Uvodu ovog diplomskog rada posebna pažnja posvećena je sljedećim tematskim jedinicama: problem, predmet i objekt istraživanja, radna hipoteza, svrha i ciljevi istraživanja, znanstvene metode i struktura rada, te rezultati dosadašnjih istraživanja.

Drugi dio se odnosi na, teorijske aspekte bankarskog poslovanja, u kome su uvrštene i vrste banaka, vrste bankarskih poslova, principi, definisanje bankarskih poslova, te bankarstvo u procesu transformacije.

Treći dio objašnjava: tradicionalno bankarsko poslovanje, uključujući karakteristike istog te tradicionalno bankarstvo u fazi opadanja.

Četvrti dio obuhvata savremeno bankarsko poslovanje, u okviru kojeg su predstavljene karakteristike savremenog poslovanja i pojašnjen koncept savremene države u sklopu ukupnog državnog intervencionizma. Modeli savremeno organizovanih banka te savremeni bankarski poslovi također pripadaju ovom četvrtom dijelu rada.

Komparacija poslovanja savremeno organizovanih u odnosu na tradicionalne banke koncizno je pojašnjen u petom dijelu rada, u okviru koga je predstavljen i koncept islamskog bankarstva kao modela modernog bankarstva, u odnosu na tradicionalno.

Šesti dio, Zaključak, predstavlja sintezu ovog rada, čime je potvrđena postavljena hipoteza.

#### 1.6. Rezultati dosadašnjih istraživanja

Obzirom da je obavljeno dosta istraživanja na temu ovog diplomskog rada, te da zbog prisutnosti stalnih promjena na globalnom tržištu i intenzivnog razvoja finansijskih usluga i proširenja bankarskih proizvoda te sve višeg interesovanja za iste, aktuelnost ove teme je uvijek zastupljena.